


**AKCIJA 'BENELUKS'** Velika operacija bh. agencija

# UHAAPŠENI TERORISTI KOJI SU PLANIRALI NAPAD U EVROPI!

**Uhapšeni su Osman Abdel Selam (53), državljanin Švedske, Adis Ramić (36) i Amar Šljivo (40), Enver Džanko (42) i osoba inicijala Ž. M. (41) • Šljivo je bivši specijalac, koji je od ranije poznat policiji, kao i Ramić**



Specijalci SIPA-e tokom akcije hapšenja: Pronađene i oduzete eksplozivne naprave

(Foto: SIPA)

**U** okviru međunarodne policijske akcije kodnog naziva „Beneluks“, koja se provodi s policijskim organima Holandi-

je i Švedske, policijski službenici Državne agencije za istrage i zaštitu (SIPA) jučer su uhapsili četiri osobe, koje se dovode u vezu s međunarodnim terori-

zmom.

Uhapšeni se sumnjiče da su po narudžbi na području BiH izradili eksplozivnu napravu s namjerom da je isporuče u je-

dnu od skandinavskih zemalja, a koja je, prema raspoloživim saznanjima, trebala biti korištena za izvršenje terorističkog akta.

2. i 3. strana

Page: 2

Reach: 50000

Country: BOSNIA AND HERZEGOVINA

Size: 1952 cm2

2 / 3



Sarajevo sinoć: Sprovođenje jednog od uhapšenih iz kafica „Scorpion“ u vlasništvu Amara Šljivo

(Foto: M. Kadrić)

## **SOKANTNO** Antiteroristička akcija SIPA-e u Bosanskom Brodu i **Petorica terorista uhapšeni** **planirali napad u Evropi**

Uhapšen švedski državljanin Osman Abdel Selam i četvorica bh. državljana, među kojima su dvojica odranije poznata teroristička lica. • Pronađene dvije eksplozivne naprave u vozilu • Narudžba, došla iz Holandije, a osoba koja je došla po napravu

Pripadnici Državne agencije za istrage i zaštitu (SIPA) uhapsili su jučer u antiterorističkoj akciji na graničnom prijelazu Bosanski Brod tri osobe osuđene za pripremu terorističkog napada u jednoj skandinavskoj zemlji, najvjerojatnije, u Švedskoj, dok su još dvije osobe uhapšene u Sarajevu.

Osman Abdel Selam (52), državljanin Švedske, te četvorica bh. državljana Adis Ramić (36), Amar Šljivo (40), Enver Džanko (42) i osoba inicijala Ž. M. (41) uhapšeni su u akciji. Kasno sinoć osuđeni su prebačeni u sjedište SIPA-e, gdje će istražitelji odlučiti o daljnjim

koracima, odnosno predaji Državnom tužilaštvu.

Trojka je uhvaćena u hitroj akciji specijalaca na granici, pri pokušaju da u vozilu Audi iznesu dvije eksplozivne naprave, navodno napravljene u okolini Sarajeva, preko granice. Sumnja se da su eksplozivne naprave trebale otići u Švedsku ili neku drugu skandinavsku zemlju, gdje je trebao biti izvršen teroristički napad!

### Crno tržište

Prema nezvaničnim informacijama, eksplozivne naprave su naručene iz Holandije, a policijske agencije BiH su saradivale s kolega-



Improvizirane eksplozivne naprave pronađene u vozilu

### Švedska policija: Riječ je o kriminalnoj bandi

Švedska policija jučer je u izjavi na tamošnji list „Aftonbladet“ navela da nemaju indicije da je riječ o terorizmu. Sekretar za štampu švedske policije Endru Falen (Andrew Falen) izjavio je da se radi o kriminalu.

- Radi se o nekoj vrsti

kriminalne bande u južnoj Švedskoj. Ne postoji ništa što ukazuje na to da se radi o terorizmu - rekao je Falen za švedski list.

Također, i brojni svjetski mediji, poput američkog ABC-a i britanskog BBC-a, objavili su vijest o hapšenjima u BiH.

ma iz Švedske i Holandije.

Dvojica uhapšenih Adis Ramić i Amar Šljivo odranije su poznata policijskim agencijama te su bili terećeni za kriminalna djela. Navodno su u terorističke



**JOZIĆ:**  
**Osumnjičeni za terorizam**

aktivnosti upleteni zbog novca, a Švedanin Abdel Selam je došao preuzeti naprave. Sumnja se da su teroristi pokušali iskoristiti dostupnost eksploziva na bh. crnom tržištu te ga prokrijumčariti u skandinavske zemlje.

SIPA je jučer vršila pretrese na više lokacija, uključujući i kaficu „Scorpion“ na Grbavci u Sarajevu u vlasništvu Šljivo, koji je, kako smo saznali na licu mjesta, uhapšen u Sarajevu. Nakon višesatnog pretresa u kaficu je uhapšen Ž. M., navodno Šljivojin prijatelj. Naš fotoreporter na licu mjesta zabilježio je njegovo odvođenje s lišćama.

- Nas nekoliko gostiju je

Amar Šljivo bio akter brojnih obračuna

# Bivši specijalac ogrezao u kriminal

Do 2009. godine konstantno su punili stupce crnih hronika

Amar Šljivo (40) i Adis Ramić (36), koji su uhapšeni u međunarodnoj policijskoj akciji usmjerenoj na suzbijanje terorizma, kodnog naziva „Beneluks“, članovi su sarajevskog podzemlja. Do 2009. godine konstantno su punili stupce crnih hronika. Međutim, od 2009. prestali su s uličnim obračunima i na sebe nisu privlačili pažnju sve do jučerašnjeg hapšenja.

Šljivo, koji je inače bivši specijalac, drži kafić „Scorpion“ u sarajevskom naselju Grbavica. On je tokom 2009. godine uhapšen zbog napada na dvojicu pripadnika MUP-a Kantona Sarajeva, od kojih je jednog krvnički pretukao. Tada su policajci izašli na intervenciju jer su građani



Ramić i Šljivo: Uhapšeni u jučerašnjoj akciji

prijavili glasnu muziku u kafiću. Iako je osuđen, Šljivo nije proveo nijedan dan u za-

tvoru, nego je platio kaznu - 100 KM po danu.

Šljivo je bio poznat i po

čestim oružanim sukobima s braćom Edom i Harisom Omerovićem, vlasnicima sarajevske autopraonice i picerije „Diablo“.

Zbog ranjavanja jednog od njih bio je osuđen na godinu i po zatvora, koje je odležao u KPZ-u Zenica. I on je bio česta meta napada pa je tako pucano na njegov kafić, a jednom mu je i zapaljeno vozilo.

Šljinov prijatelj Adis Ramić tokom 2009. godine učestvovao je u ubistvu Tarika Kunića (23) iz Visokog, koji je usmrćen iz vatrenog oružja ispred kafića „Silver“ u Visokom. Ramić je 2008. u ruku ranio Adnana Šeraka, koji je, također, dobro poznat policiji.

A. ALJIMI


Sarajevu

## ena, opi!

oliciji po kriminalu  
tignla iz Švedske

tri sata bilo zadržano u kafiću, ali nam nisu ništa govorili. Policija je bila profesionalna, a vlasnik je poznat po pucnjavama - rekao nam je jedan od svjedoka.

Kako je zvanično saopćeno, u okviru međunarodne policijske akcije kodnog naziva „Beneluks“ policijski službenici su slobode lišili četiri osobe inicijala A. R. (1979.), O. A. S. (1962.), E. Dž. (1973.) i A. Š. (1975.).



Dovođenje osumnjičenih u sjedište SIPA-e u Sarajevu (Foto: F. Foča)



Hapšenje u Bosanskom Brodu: Bh. specijalci izveli hitru akciju

(Foto: SIPA)

- Navedene osobe lišene su slobode zbog sumnje da su počinile krivično djelo terorizam. Tri osobe lišene su slobode u pograničnom

## SIPA ranije presijecala kanale trgovine oružjem

Državna agencija za istrage i zaštitu (SIPA) prethodnih godina radila je na više predmeta u vezi s nezakonitom trgovinom naoružanjem, a kako je ranije potvrđeno „Dnevnom avazu“ u ovoj instituciji, registrirano je da je ilegalno naoružanje transportirano iz BiH preko Hrvatske i do

drugih zemalja u Evropi. Vlasti u Francuskoj su nakon masakra u satiričnom magazinu „Charlie Hebdo“, u okviru istrage o terorističkom napadu, saopćile da je korištena municija proizvedena u BiH, dok su eksperti, kako je prenio AFP, upozoravali da oružje dolazi iz regiona.

prostoru kada su spriječene u prebacivanju improvizirane eksplozivne naprave preko graničnog prijelaza u putničkom motornom vozilu, gdje je naprava i pronađena - saopćila je jučer Kristina Jozić, portparol SIPA-e.

Navedene aktivnosti realiziraju se prema naredbama Suda i Tužilaštva BiH.

- Prilikom rada na ovom

predmetu ostvarena je saradnja s pripadnicima Obavještajno-sigurnosne agencije BiH (OSA), kao i s policijskim organima Holandije i Švedske, dok je prilikom realizacije posljednjih aktivnosti saradnja ostvarena i s pripadnicima MUP-a Republike Srpske i Granične policije BiH - saopćeno je iz SIPA-e.

E. D. A.